



UNIVERSITÄTS-
BIBLIOTHEK
PADERBORN

**Series Episcoporum Archiepiscoporum Et Electorum
Moguntinorum, Trevirensium Et Coloniensium**

Kolb, Gregor

Rottwilae, 1725

VD18 12054054

XXXVIII. Gerardvs II. Elector XXII.

[urn:nbn:de:hbz:466:1-64326](#)

rium IV. Pontificem Imperator Rudolphus. Comittitur Henrico legationis munus & gravissimarum juxta tractandarum cum Pontifice rerum. Hujus porro legationis optatissimus Pontifici fuit successus, quando Rudolphus sacræ Sedi confirmavit Bononiam, Romaniolam, & simul Exarchatu Ravennate cessit. Officio legati præclarè functus Henricus, Pontificis summam erga se gratiam ita promeritus est, ut pinguem bene navatae operæ remunerationem exspectare posset; & bene expectâsse eventus probavit: creatus enim ob id maximè Elector Moguntinus, tribus annis placuit multis, & multis displicuit; hos inter Canonici ægro animo sustinuerunt Electorem & Archipræsulem obscuro loco natum, & invitis obtrusum. Annus vitæ ultimus erat Henrico 1188. Ferè cum Honorio IV. in Sedem promotus & morte remotus.

XXXVIII. GERARDVS II. ELECTOR XXII.

Gerardus II. Comes Eppensteininus jam non unius tantum partis, sed ferè omnium calculis electus Archipræsul, auditâ sui electione ac promulgatione latus, contendit Romanam quamprimum, ubi à Nicolao IV. Pontifice Archiepiscopus consecratus, & pallio est exornatus. In Germaniam redux Hanovia Comitem procaciùs multa dicentem & facientem coercuit, simûlque Fuldenses subditos contra Principem suum seditiosos in ordinem rededit. Anno 1291. Rudolphi Cæsari justis persolutis Adolphum Nassovium bellica laude dotib[us]que aliis multis insignem Ducem ad Imperatoriam dignitatem pene solus evexit, eundémque ad Imperij coronam suscipiendam Aquisgranum deduxit. At qui tantopere placuit Imperator, paulò post maximo pere Gerardo displicuit: Adolphum enim fortunam suam non capientem, & in scelera effusum denique, idem qui creandi, fuit etiam author exauthorandi Cæsar, vocato in Imperij thronum Al-

berto.

berto Habsburgico Rudolphi filio, cuius virtutem magni aestimare, sed & potentiam tandem timere didicit, jam non imperare, sed obedire Imperatori doctus, præsertim ubi Bingio à Cæfareanis occupato circumfusas Moguntiæ copias aspexit. An. 1292. Aschaffenburgi Synodum celebravit, cui aderant Episcopi Bambergensis, Heribolensis, Augustanus, Eustadianus, Hildesiensis, Wormatiensis, Spirensis aliquæ: ejusdem Synodi acta in compendium conscripta legerunt & laudarunt plurimi. An. 1298. Pragæ Wenceslao Regi & hujus regiæ conjugi Jutæ imposuit coronam: Infulam verò suam amisit morte ereptam an. 1304. annorum 16. Præful. Sub Pontificibus Nicolao IV. Cœlestino V. Bonifacio VIII.

S E C U L U M X I V.

XXXIX. PETRVS ELECTOR XXIII.

Petrus in Archiepiscopatu Trevirensi ex pauperibus natus parentibus, in juventute medicinæ, & una scientiis pluribus strenuam navavit operam, Theologiae etiam non parùm peritus. Henrico Lücelburgico futuro Cæsari exoptatus Medicus, in rebus cunctis suam plurimùm commendavit industriam, arcanorum ferè omnium in aula arbiter. Igitur Henricus ut Balduinum fratrem suum 18. annorum juvenem in Moguntiæ Sedem Archiepiscopalem promoveret, misit Petrum Legatum ad Clementem V. Pontificem in Gallia tum commorantem. Praeter alia in Balduino displicuit Clementi jnvenilis ætas. Re itaque infecta dum Medicus simûlque Legatus fese accingit ad redditum, subito Pontifex morbo corripitur; quem cum Petrus porrectis pharmacis tridui spatio dispulisset, in grati animi testimonium à Clemente nominatus & confirmatus est Moguntinus Archiepiscopus his dictis: *Cum noveris tam peritè curare corpora, noveris etiam deinceps curare animas.* Idem hic Petrus vel author, vel adjutor fuit maximus,

cur.